

www.BibleForChildren.org

मत्ति 26



पजा पसहा हनुमता
सारुंग दियाना मुने येसु
ओनोर चेलासंग
बेतनियाह सहेरतिगा
वातुरका येसु हातोरिगाडाल
असा जितो किस मतोर लाजर ओद
नाटेनोर मतोर। असके मरियम
जटामांसिते बनेमाता पकाय
किमतिता अरदो लिटर
दयमुर निय पयस अगा वातु। पजा अदु ओद
नियतुन येसुना काल्कपोरो दोसतु अनि
आपुना कल्कते ओना काल्क उमसतु।
असके ओद नियता दयमुर पुरा लोनमेन्ड फयलेमातु।




यहुदा इस्करियोति येसुना बारा चेलारिगाडाल वरोर मतोर। ओर
येसुना विस्वासघात किस येसुन पयस हियाला साटि मुक्याल याजक
लोकुरकनिके हतुर। यहुदा वायाना कारण
समजेमात असके मुक्याल याजक
लोकुरक गिरदा आतुरका अनि
ओरक युदान डबुंग हियाका
इन्जोर वाचा कितुरका।
इन्जोर ओर येसुन पयस
हियाला सन्दि हुळन्दुर।




चेला लोकरक येसुना आग्या लेहका पसहा
हनुमता जेवन तयारि कितुरका। ओरक
तिन्दिला आस मन्दुरक असके येसु रोटितुन
पयतुर अनि परमेस्वरना धन्यवाद किसरोटितुन
किळिहतुर अनि चेलालोरकुन हितुर, “इद
येचुन तिन्ट, इद नावा मेन्दुल आन्द” इन्जोर
इतुर। पजा ओर अंगुर जोमाता कटोरातुन पयस
धन्यवाद कितुर, अनि ओरकुन हितुर, “निमाट
सबोय लोकरक इगाडाल उन्ट, इद नावा
नतुर आन्दु, इदेनते
परमेस्वर आपुना
लोकरासंग उन्दि पुनाल
करार बनेकितोर। अनि
इद पकाय लोकरा पापता
मापि साटि पसियता मन्ता।



अनि येसु इन्तोर, “शिमोन हे शिमोन! बदाम गोहकुन हेतिते हेचुन पोलेतुन अलगो किन्तोर, अदाम मिकुन वने परिक्षा किस नावाकेडाल अलग कियान साटि सयतान परमेस्वरनिकेडाल परवांगि तलकतुर। मति नना ते मिया विस्वास कमजोर आयमाकि अनि निमा पस्तेमासुन नावा हेरे वास निमा दुसरो चेलालोरकुन विस्वासते मजबुत कियान साटि परमेस्वरतुन प्रार्थना कितोना।”



असके पतरास येसुन इतुर, “हे प्रबु नना नियासंग जेहलतिगा हन्दान साटि अनि हायान साटि वने तयार मन्तोना।” अनि येसु पतरासिन इतुर, “हे पतरास नेन्ड नरका कोर कुसानाता मुने निमा नाकुन मून्ड बेरांग पुनोन इदाम इन्कार कियाकि इन्जोर नना निकुन चेते किसुन वेहान्तोना।”



असके पजा येसु आपुनोर चेलाह
लोकुरासंग गतसमनि पोरोयदा
उन्दि बगिचातिगा वातुर अनि
आपुनोर चेलाह लोकुरकुन,
“नना अगा हन्जुन प्रार्थना किस
मलस वायाना वनाह इगाय उदस
मन्ट” इन्जोर इतुर। “हे बाबाल
निमा सबोय किया परान्तोन। इद
पकाय तकलिपता सहनतुन नावा
हेरेटाल लक किम, नावा इच्चा
आयो मति निया इच्चा बदाम मन्ता
अदाम आयि” इन्जोर इतुर।



अदाम यहुदा सयनिक लोकरा उन्दि दलता संग अगा वातुर। मुक्याल
याजक लोकरक अनि परीसि लोकरकनिकेडाल लोहतोर मन्दिरतुन
केपवालोरक सिपायि लोकरक वने ओनासंग
मतोरक। चिवनि अनि मशाल अनि तलवार ओरा कयदे
मता। अनि येसु वेहानाता मुनेय ओराकिडाल
वरोर चेलाल महायाजकना सेवकतुन
तलवारते हितुर, अनि ओना कवितुन
पळत इन्जोर कविय देकतु। असके
येसु चेलालोरकुन इतुर, “इदाम
केमाटा” अनि ओर महायाजकना
सेवकना कवितुन इटसुन
सुदरे किसितुर।




अनि लोकरक येसुन पय्तरक अनि महायाजकना लोतिगा ततुरक। अनि पतरास लकदाले येसुन ओयिल आस मन्दुरक ओरकुन हुळसोरिंग ओरा परके-परके हन्दुर।

अनि ओर लोकरक डुवाटिगा किस मासुन किसता हिरमुटा उचमन्दुरक अनि पतरास वने ओरासंग उदितुर।



असके महायाजकनोर
दासनिगडाल वरोर दास अगा
मतोर, बोना कवितुन पतरस
कदियस मतोर ओर ओनोर
सोयराल मतोर। ओर
पतरसिन इतुर, “बाताल
नना निकुन ओनासंग बगिचातिगा
हुळोन बहे?” अनि पतरस असा
इन्कार कितुर, अनि सान्डे कोर
कुसतु। अनि पतरास बाहरो
पसियसुन आलहिच-आलहिच
पकाय दुःखते किलतुर।




असके पजा यहुदि लोकुरा हजोर सभाते
उदितोरक सबोय लोकुरक तेदितुरक अनि येसुन
राज्यपाल पिलातुसना हेरे ओतुरक।
अनि पिलातुस येसुन पुञ्चेमातुर, “निमा यहुदि
लोकुरा राजाल आन्दि?” अनि येसु पिलातुसिन
इतुर, “निमाय इन्दिला आतोन
नना ओरेय आन्दाना।” मति
पिलातुस येसुन चुटे कियाना इच्चा
मता, इन्जोर असा लोकुरा भीळतुन
समजेहकितुर, मति लोकुरक असा

वने लोकुरा भीळ कोलहार किसुन
इतुरक, “येन कुरुसतिगा अन्जहिच

हक्किट! कुरुसतिगा
अन्जहिच हक्किट।”




असके ओन कुरुस पोरो अन्जहिर इन्जोर
पिलातुस येसुन ओरा कयदे सोपे कितुरा।
असके सयनिक लोकरक येसुन ओतुरक
अनि ओर आपुना कुरुस ताहचुन
खोपळिता स्थान पोरोयता जागावनाह
बाहरो हतुरक। अनि इद जागातुन इब्रानि
बोलिते गुलगुता इन्तोर।



अनि अगा ओरक येसुन अनि
ओनासंग इवुर मानेयकुन वरोर
हिके अनि वरोर होके अनि नडुम
येसुन इदाम कुरुस पोरो
अन्जिहतुरक।



अनि प्रार्थना लोता पळदा पोरोडाल ते अडियवनाह नडुमताल हरतु।
अनि येसु हजोर लेंगदे, “हे बाबा, नना आपुना आत्मातुन निया
कयतिगा सोपेकिन्तोना इदाम जोरदे इतुर” इदाम इन्जुन येसु जिवा
तासितुर।



अनि परमेस्वरना राज वायाना हर हुळस
मतोर ओर अरिमतियातिगा मन्वाल
यूसुफ पोरोयतोर वरोर मतोर। ओर
यहुदिलोकुरा हजोर सभातोर
सदस्य मतोर। ओर हिमत
किस पिलातुसना हेरे हतुर
अनि येसुना मुरदातुन
तल्कतुर।

असके यूसुफ उन्दि
लाटिवाले चादर अस
ततुर। अनि येसुना
मुरदातुन ओर रेहच ओद
चादर हरहितुर अनि उन्दि
आदितिगा कातस मतोर
बिजगुडितिगा इरतुर अनि
बिजगुडिता दरवाजतिगा
उन्दि कल दुरस मुचतुर।



ओद दिया यहुदि लोकरा पवित्र दिया साटि
तयारिकियाना दियाता मुनेटा दिया मता,
मुक्याल याजक लोकरक अनि
परीसि लोकरक पिलातुसना हेरे
जमा आस इतुरक, “हे सयबाल,
ओर दोखा केवाल जिवित
मतोर असके, ‘नना मून्ड
दियाता पजा असा जिवे
मायका’ इन्जोर माकुन
इन्ज मतोर,

ओद पील्लो
इदेक माकुन
आटवन मन्ता।”



“अदामओरक सयनिक लोकरकुन संग ओतुरक,
अनि ओरक बिजगुडिता कवाळ मुच
मता ओद हजोर कलदा पोरो
शिक्का हिस केपवालोर
सयनिक लोकरकुन अगा
इरसुन बिजगुडिता
केपाना पका कितुरका।”



यहुदि लोकरा पवित्र दियाता पजा हपताता पहले
दिया मन्जे इतवार दिया वियानपाहारा
आतपा मरियम मगदलनि अनि दुसरो
मरियम येसुना बिजगुडितुन
हुळिला वातुंगा। अनि सान्डे
उन्दि हजोर भुकंप आतु,
बाक्याकि प्रबुनोर वरोर
दूत स्वरगताल रयतुर
अनि ओर बिजगुडिता

कवाळ मुच मतोरक
ओद कलदुन गुचिहतुर
अनि अदेनिगा उदितुर।
केपवालोरक ओन हुळस
वरेते कसिंगसोर हातोरक
लेहका आतुरक।



स्वरगदूत आसकुन इतुर, “वरियमाट, कुरुस
पोरो अन्जहिस हक्कतोर येसुन निमाट
पळकिला आतोरिट इन्जोर नना
पुन्तोना। ओर इगा हिलेर, मति
आपुना पोल्लोता अनुसार ओर
असा जिवेमास तेदितोर।
वराट, बगा ओन इरस
मतोर ओद जागा
हुळाटा।”



अव वरे अनि पकाय गिरदाते बिजगुडिताल सान्डे
पसियस ओनोर चेलालोरकुन समाचार वेहान
साटि वितसोर हतुंग। असके येसु
अवेहकुन मिलेमातुर। अनि “मिकुन
नमस्कार” इन्जोर इतुर। अव हेरे वास
ओनांग काल्क अरसुन ओना
आरादना कितुंग।



अकरा चेलालोरक जेवेकियाला उदस मतोरक असके ओरकुन येसु दिसतुर। अनि ओर जितो आतपा बोर बोर ओन हुळस मता ओरा गवाहितुन विस्वास केवो आस मतोर इन्जोर येसु ओरा अविस्वासतुन रांगतुर। प्रबु येसु ओरासंग वळकसोर मतोर असके ओर स्वरगतिगा ताहतुर अनि परमेस्वरना तिन्दान कयबासा उदितुर।



परमेस्वर आपुनोर वरोरे मरिनिगा बोरायि
विस्वास केविर ते ओना नाश आयमाकि मति
ओन अनन्त काळता जिवा पुटि इन्जोर
परमेस्वर आपुनोर वरोरे मरिन हियान
साटि इद दरतिता लोकरकुन
पकाय मया कितुर।



रोमि 3:23 बाक्याकि सबोय लोकरक पाप किसुन परमेस्वरना महिमाता
योग्य मनोर आतुरक,

रोमि 6:23 इन्जोर पापता मजदुरि हायाना मन्ता मति परमेस्वरना वरदान
मावोर प्रबु येसु मसिना द्वारा पुटता अनन्त जिवन मन्ता।

यहुदि 9:27 अनि सबोय मानेयक उन्दि बेरा हायानुर असके पजा परमेस्वर
न्याय कियाना पहाजे इदाम परमेस्वर निवळे किता मन्ता।

इफिसुस 2:8,9 बाक्याकि विस्वासता द्वारा दयातेय मिया पिसाना आता,
अनि इद मिकुन आपुना बुतोते पुटिला परो मति इद परमेस्वरना दान आन्दु।
बोरे इदेना अभिमानि केवो आयिकाट इन्जोर इद मावा किता बुतोता
कारणते वने आयो।



रोमि 10:9,10 “येसुये प्रबु आन्दुर” इन्जोर निमा आपुना टोडिते स्विकार
किस परमेस्वर ओन हातोरिगाडाल असा जिवेहकितोर इन्जोर निमा
आपुना मन्दिगा विस्वास किन्तोन ते निया पिसाना आयार इन्जोर
परमेस्वरना पोल्लो मन्ता। बाक्याकि पुरा मन्दे बोर इद विस्वास किन्तोर
ओने परमेस्वर आपुना मुने येताना योग्य ठहरे किन्तोर अनि बोर अदेन
आपुना टोडिते स्विकार किन्तोर ओने पिसानुर।

युहनाल 3:16,17 परमेस्वर आपुनोर वरोरे मरिनिगा बोरायि विस्वास
केविर ते ओना नाश आयमाकि मति ओन अनन्त काळता जिवा पुटि इन्जोर
परमेस्वर आपुनोर वरोरे मरिन हियान साटि इद दरतिता लोकुरकुन पकाय
मया कितुर। दरतिता लोकुरकुन दन्डता न्याय हेविर इन्जोर परमेस्वर
आपुनोर मरिन दरतितिगा लोहोर मति ओना द्वारा लोकुरकुन मुक्ति पुटान
साटि दरतितिगा लोहतुर।



१ युहनाल 5:11-13 अनि परमेस्वर माकुन अनन्त जिवा हितोर अनि इद जिवा ओनोर मरिनिगा मन्ता इन्जोर ओद गवाहि मन्ता। बोना हेरे मरि मन्तोर ओना हेरे अनन्त जिवन मन्ता अनि बोना हेरे परमेस्वरनोर मरि हिलेर ओना हेरे अनन्त जिवन वने हिले। परमेस्वरना मरिना पोरोयते विस्वास किन्तोरक मिकुन नना इव पोल्लोंग कोटान्तोना मिकुन अनन्त जिवन मन्ता ओद मिकुन पुन्दान साटि मन्ता।



मत्ति 26-28; लूका 22-24; युहनाल 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Muria Far Western NT (fmu) © (Active) Wycliffe Bible
Translators, Inc. All rights reserved.

<https://www.bible.com/bible/3169/MAT.1.FMU>

©2025 Bible for Children, Inc.

www.M1914.org

www.bibleforchildren.org

